

ATAATSIMEERSUARNERMI

J.nr. 230437/ TS

OQALUSERISASSAT

Piffissaq: 10. maj 2024

Ingerlatseqatigiiffik: NunaGreen A/S
CVR-nr. 77744312
(Matuma kingorna "Ingerlatseqatigiiffik")

Sumiiffik: Indaleeqqap Aqqutaa 12, kld.
3900 Nuuk

- Oqaluuserisassat:**
- 1 Aqutsisumik toqqaaneq
 - 2 Siulersuisut nalunarutaat
 - 3 Ukiumoortumik nalunaarusiap
akuersissutigineqarnera
 - 4 Ukiumoortumik nalunaarusiaq akuerisaq
naapertorlugu sinneqartoorutit
atorneqarnissaannik annaasalluunniit
matussuserneqarnissaannik aalajangiineq
 - 5 Siulersuisunik, aamma siulittaasumik, qinersineq
 - 6 Siulersuisunut ilaasortat akissarsiaannik
aalajangiineq
 - 7 Kukkunersiuisumik qinersineq

1 AQUTSISUMIK TOQQAANEQ

Advokat Thor Suhr toqqarneqarpoq

Aqutsisup uppersarpaa

aggersaaneq malittarisassani § 6.1 naapertorlugu piffissaq eqqorlugu pisi-
masoq, tassa 25. april 2024 allakkatigut aggersaanikkut, malittarisassani
§ 6.2 naapertorlugu oqaluuserisassanut ilanngunneqartussanik imaqartu-
nik aningaasatigut piginnittuusumut nassiussinikkut,

ataatsimoorsuarneq malittarisassani § 5.2 naapertorlugu piffissaq eqqorlugu ingerlanneqartoq kiisalu

ingerlatseqatigiiffimmut aningaasaliisuusut tamarmik immikkoortortami pisortaq Per Nicolaisen inuttaralugu peqataatitaqartut, taannalu piginnaatitsissut naapertorlugu Naalakkersuisut sinnerlugit taasisinnaati-taasoq.

Najuuttut akuersitillugit ataatsimeersuarneq inatsisinut attuumassuteqartut kiisalu oqaluuserisassanut ilanngunneqarsimasut eqqarsaatigalugit aalajangiisinnaassuseqarfiusutut aqutsisumit nalunaarutigineqarpoq.

Tamatuma kingorna aqutsisumiit oqaaseqarnissaq aningaasatigut piginnittuumut tunniunneqarpoq:

Asasakka najuuttusi

Aallarniutigalugu Naalakkersuisut sinnerlugit sulisut, pisortaatitat siulersuisullu ukiumi qaangiuttumi sulisimanerinit qutsavigaakka.

Piginnittuunermut politikki pillugu Naalakkersuisut, Inatsisartunilu partiini sisamaasut 2023-mi isumaqatigiissusiortut. Ingerlatseqatigiiffinnut sinaakkutit nukittunerusut, allanngorartuunngitsullu qulakkiissallugit ataatsimoortumik politikikkut kissaatigineqarpoq. Ilutigisaanik taamatut suliaqarneq piginnittuunerup qanoq ingerlanneqarnissaanut, Naalakkersuisunut pitsaasumik malittarisassaqaartitsivoq. Naalakkersuisut piginnittuunerminnik ingerlatsinerat, ingerlatseqatigiiffinni aqutsisunik pitsaasumik, iluaqutaasumillu oqaloqateqartarnermik kinguneqarpoq.

Namminersorlutik Oqartussat aktianik piginneqatigiiffiutitsinnut aqutsinermut allagaatip ukioq-manna saqqummiunnissaanut qilanaarpugut. Piginnittuunermut politikki isumaqatigiissutigineqartoq tunngavigalugu aqutsinermut allagaat suliarineqarpoq, Naalakkersuisullu piginnittuunermik qanoq ingerlatsissanersut nassuiaatissallugu siunertaralugu. Taamaattumik aqutsinermut allagaat malittarisassatut atuutissaaq, tassungalu tunngatillugu ingerlatseqatigiiffiit egeersimaartumik eqqarsaatigisassaralugit ingerlatseqatigiiffiit pisussaaffiit tunngatillugu naatsorsuutigisat nassuiaatigineqassallutik. Piginnittuunermut politikkimut Naalakkersuisut aqutsinermut allagaataata atuutisilerneqarnissaa pillugu suleqatigiinnissaq Naalakkersuisut qilanaaraat.

” 22-04-2024
Sags nr. 2024 - 109
Dok. nr. 24114945

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail:
govsec@nanoq.gl
www.naalakkersuisut
.gl

Tassunga tunngatillugu inuiaqatigiinni akisussaaqataaneq pillugu piginnittuunermt politikkip isumaa, ingerlatseqatigiiffiillu Kalaallit Nunaanni innuttaasunut pilersitaallutillu taakkunannga pigineqarmata ersarissarusuppara. Tassunga tunngatillugu ingerlatseqatigiiffitta inoqarfinni, isorliunerusunilu ersarissuunissaminnik, sinniisuutitaqarnissaminnillu ukkataqarnissaasa pingaaruteqassusia ersarissarusuppara

Nunarsuaq akerleriiffiunerusoq, allangorartorlu ullumikkut inuuffigaarput. Digitalikkut naapittarfiit ingerlatseqatigiiffiit attaveqaasersuutitut pisariaqavissutut ingerlatsinerinut, sullissinerinullu tunngatillugu ullumikkut aalajangiisumik sunniuteqartut ilanngullugit, ingerlatseqatigiiffimmi isumannaatsuutitsinissamik aqutsisut sakkortusisamik ukkataqassasut Naalakkersuisut peqquaat.

Utoqqarmiut Kangerluarsunnguanni erngup nukinganik nukissiorfiup allilernerqarneratigut kiisalu Aasiaat aamma Qasigiannugit pilersorneqarnissaanni nutamik erngup nukinganik nukissiorfiliornikkut, mingutsitsinngitsumik nukissiuutitta annertusineqarnissaani NunaGreen pingaarutilimmik inissisimavoq.

Naalakkersuisut ilisimavaat, sanaartornermi pilersaarutit pitsaanerulersissallugit, pitsaanerpaamillu tunngavissaqarluni nutaanik sanaartortarnissaq qulakkiissallugu ingerlatseqatigiiffiup sulissutiguaraa. Aningaasaqarnermik eqqarsarluni ulloq manna tikillugu Kalaallit Nunaanni attaveqaasersuutitigut pilersaarut anginerpaasoq qulakkiissallugu ingerlatseqatigiiffiup akisussaaffigaa, attaveqaasersuutitigut pilersaarut kingusinnerusukkut nunami innuttaasunut iluaqutissanngorlugu Nukissiorfimmit ingerlanneqarlersussaq.

Nukittuumik aaqqissuussisimanissaq anguniarlugu sulilersitsinissaq NunaGreen-ip suli sulissutigaa, tassungalu atatillugu ingerlatseqatigiiffimmi pisortanngortoq, ingerlatseqatigiiffimmi aningaasaqarnermut pisortanngortoq Naalakkersuisut tikilluaqquaat. NunaGreen-imi qullersaqarfittaap, siulersuisut qinerneqaqqittut peqatigalugit pingaarutilimmik sanaartornermik suliassamik tassannga kivitsisinnaanissaannut Naalakkersuisut annertuumik tatiginnipput.

Pilersaarummik taamak angitigisumik qulakkeerissagaanni nukittuujusariaqarpoq, ilisimasaqartariaqarpoq, pisariaqartunillu piginnaasaqartariaqarluni. Taamaattumik NunaGreen-ip Nukissiorfiillu akornanni suleqatigiinneq suli ineriartortinneqarmat Naalakkersuisut nuannaarutigaa, Issittumilu mingutsitsinngitsumik nukissiuuteqalernissamut ingerlatsisuunissaminnik illuatungeriit ikioqatigiinnissaannut tatiginnillutik.

Ingerlatseqatigiiffitta Fraud management systemimik, maanna ingerlatseqatigiiffiup aqutsineranut aalajangersimasumik ilaalersumik suliniuteqarnerinut, suliaqarnerinullu qutsavigerusuppakka. Peqquserlussinnaanerit aarlerinaateqarnerinik paasisaqarnissamut

*pitsaaliuinissamullu egeersimaartumik sulineq Naalakkersuisut
nuannaarutigaa,tamannalu akisussaaffissinnik nukittorsaallunilu
Namminersorlutik Oqartussat ingerlatseqatigiiffiini isumannaatsumik
ingerlatsinermut tapersiivoq.*

*Inuiaqatigiinni piujuartitsinissaq, ESG-mut "Environment (avatangiisinut),
Inooqatigiinnermut (inuiaqatigiinnut) aamma Governancemut (aqutsinermut)"
tunngassuteqartup egeersimaartumik sulissutigineqarnissaa pillugu
piginnittuunermut politikki piumasaqaataasoq, siorna ataatsimeersuarnerni
Naalakkersuisut erseqqissaatigaat. Suliniut taanna ingerlaannarlunilu
pitsanngorsarneqartassaaq.*

*Taamatut oqaaseqarlunga ingerlatseqatigiiffimmi siulersuisut, pisortaatitat
sulisullu ukiumi aggersumi sulilluarnissaannik kissaappakka.*

Qujanaq"

2 SIULERSUISUT NALUNAARUTAAT

Siulersuisut sinnerlugit siulittaasoq Line Frederiksen ataatsimeersuarnermut
imaattumik nalunaaruteqarpoq:

*" 2023 tassaavoq NunaGreenip atuunnerani ukioq ilivitoq siulleg, ilalumi ukioq
pisoqarfioqaaq.*

*2022-ip naalerani ingerlatseqatigiiffiup aqqata siunertaatalu allanngortinneqar-
nerisa kingorna 2023-imi februaarip naajartornerani aalajangerneqarpoq Nuna-
Greenip suliassarissagaa Utoqqarmiut Kangerluarsunnguanni erngup nukinga-
nik innaallagissiorfiup allissutaa sanassallugu, pigissallugu kiisalu aningaasaler-
sussallugu, aammalu Qeqertarsuup Tunuani nutaamik erngup nukissiorfiliussal-
luni 2021-mi aningaasanut inatsimmisut nassuiarneqarsimasut naapertorlugit.
Suliassarujussuarlu taanna mingutsitsinnginnissaq qitiutillugu naammassi-
neqassaaq, taamaalilluni Nunatsinni uuliakkunnik ikummateqarneq sapinngisaq
tamaat minnerpaaffianiilersinneqassalluni.*

*Siulersuisut suliassaat siulleg tassaavoq sulisunik atorfinitsitsineq, taamalu sulif-
feqarfik ineriartortinneqassaaq, suliffeqarfiullu Nukissiorfiit piareersaalluarsima-
nerat ataqqingaarlugu sanaartorneq pillugu siunnersorteqarnermut isu-
maqatigiissut tigusinnaasimavaa, taamalu Utoqqarmiut Kangerluarsunnguanni
suliariniakkap aallarnisarnissaanut akisussaaffik aallartilluarsimavoq, taavalu
Qeqertarsuup Tunuani suliariniagaq tullinnguunneqassalluni.*

*NunaGreenimi aqutsisut suliassaat tulleg tassaavoq Utoqqarmiut Kangerlu-
arsunnguani innaallagissiorfiup naammassineqarnissaata tungaanut, isertitallu*

aalaakaalernissaasa tungaanut, ingerlatseqatigiiffiup aningaasalersorneqarnis-saa qularnaassallugu. Tamanna ilaatigut Grønlandsbankenimut 150 mio ko-ruunit missarpiaannik tigeriaannarnik atugassaqaarsinnaanikkut qularnaar-neqaarsimavoq, taamaalillunilu ukiuni tulluuttuni arfineq-marlunni inger-latseqatigiiffik eqqissilluni sulinissamut periarfissaqalissaaq. Utaqqiisaasumik aningaasaliissutitut taasat taakku atorlugit sanaartugassani alloriarnerit siulliit pi-ungaarutillit ingerlatseqatigiiffiup takusinnaasai alloriarfigineqassapput.

Tamatumunnga ilutigitillugu NunaGreen Nukissiorfimmit annertuumik pingaar-uteqaqisumillu ikiorneqarluni Utoqqarmiut Kangrluarsunnguanni teknikkikkut aaqqiissutissatut siunniussaaqaartoq naapertorlugu neqerooruteqartitsinermi atorussanik suliaqarpoq, taamalu suliaasaq taanna EU-mi neqerooruteqarti-tsisarnermut naapertuuttumik naammassineqaarsinnaanngorpoq. Suliaq taanna annikitsuunngeqaaq.

EU-mi neqerooruteqartitsisarnermi periaatsit malinneqarnerannut pissutaasog tassaavoq NunaGreen erngup nukinganik innaallagissiorfimmik sanaartornerup saniatigut sanaartukkat katillugit 4 mia. koruunit sinningaarlugit naleqartut anin-gaasassarsiuunneqarnissaannut akisussaammat.

Naalakkersuisut siunissamut isigalutik danskit naalakkersuisuinut pitsaasumik oqaloqateqartarnitik tunngavigalugit sarfamik tunniussaqarsinnaassutsip al-laqquttussaannngitsumik annertusisariaqarneranut mingutsitsinnginnerusumullu ikaarsaarnermut danskit naalakkersuisuisa tapertaanissaat qularnaarsimavaat aningaasalersuinnermut tapertaanissaminnik nalunaarurteqarnerat aqqutigalugu, tassa suliariniakkamut taarsigassarsitsisumut tamakkiisumik ilaannakortumil-luunniit qularnaveeqqusiinissamik siunniussaqarnikkut, taamalu aningaasaliine-rup akikinnerpaarpaajunissaanik qularnaarinikkut.

Upennassaq aningaasaqarnermut ministeriaqarfik kiiisalu Europami anin-gaaseriviit qassiit Kalaallit Nunaannut tikeraarput piffissaalluartillugulu suliaasa-nik annertuunik aallartitsillutik, tassanilu suliariniakkap teknikkimut, anin-gaasaqarnermut inuiaqatigiinnullu tunngasortai misissoqqissaarneqarput anin-gaasaliissutissat pisariaqartinneqartut pissarsiarineqarnissaat siunertaralugu. Aningaaseriviit taakku taarsigassarsitsisarnerminni EU-mi neqerooruteqarti-tsisarnermi periaatsit malinneqarnissaannik piumasaqaateqartarput.

Paasissutissarpassuit aasaanerani suliarineqareersullu Namminersorlutik Oqar-tussat NunaGreenimiit qinnuigineqarput neqerooruteqartitsinissat kin-guarateqqullugit, tamatumuunakkut anguniarneqartut tassaapput teknikkimut tunngasut misissoqqinneqarnissaat kiiisalu Nuup siunissami pilersorneqarnera qularnaarneqarnissaa, ikumatissanik uuliakkunneersunik atuinerup minnerpaa-tinneqarnissaanik Naalakkersuisut kissaataata taparserneqarnissaa, sanaartor-nerup sivisuup nalaani erngup nukinganik innaallagissiorfiorfip atuuttup pit-saannngitsumik sunnerneqannginnissaa qularnaarneqarnissaa, kiiisalu

aaqqiissutip taassuma suliassa qarfirmut tamatumunnnga politikkikkut anguniakkanut kiisalu Parisimi isumaqatigiissutikkut anguniagarineqalersussanut suliariniakkap naapertuunnissaa. Erngup nukinganik innaallagissiorfik ukiuni 50-80-ini atasussaammat aaqqiissutissaq aallaqqaataaniilli kukkuunnaveersaarluinnartariaqarpoq.

Taamaammat ukiup affaani kingullermi Utoqqarmiut Kangerluarsunnguanni alliilinnermi periarfissat sisamaasut teknikkikkut, inuiaqatigiinnut akilersinnaassutikkut ajutoorfiusinnaasutigullu misissoqqissaarneqarsimapput. Suliarlu tamanna siulersuisut aalajangerannik inerneqarpoq – 2024-mi aallartinnerani pisunik – tassa teknikkikkut aaqqiissutip allangortinneqarnissaanik taamalu sarfaliorsinnaassuttip allilaarneqarnissaanik, sanaartornermi ajutoorfioratarsinnaasut annikillisarneqarnerannik kiisalu uuliakkunneersunik ingerlasumik sillimmateqarnerup annikillisinneqarnissaanut periarfissiisumik.

Taavalu suliatut kingullertut, ingerlatseqatigiiffiup kiisalu Kalaallilu Nunaata erngup nukinganik innaallagissiorfiit pitsaanerpaamik akikinnerpaamillu aningaasalersorneqarnerannik angusaqarnissaat qularnaarumallugu Skandinaviami aningaaseriviit pisussaaffiliinngitsumik naleqqersuutaasumik neqerooruteqartinneqarput. Neqerooruteqartitsinermi tassani suliariniakkamut siumut isigisumut, mingutsitsiviunngitsumut siunissamullu isumannaakkamut aningaasalersuinisamik soqutiginninneq annertoqisoq ingerlatseqatigiiffimmit nalaanneqarpoq, taavalu aningaasalersuiniarneq sulii naammasseqqajanngikkaluartoq kiisalu si-visullunilu ilungersunartussaagaluartoq taamaattoq tamatta sinnerluta assorsuaq isumalluarpugut.

Unnersiutissaq alla, aaqqiissutissamik siunissamut isumannaagaanerpaajusumik mingutsitsinnginnerpaajusumillu toqqaanissamut NunaGreen aningaasaliisinnaasunit assut taperserneqarpoq. Ullumikkut aningaaseriviit amerlanerit pingaartilluartagaanut tamanna ilaavoq.

Taamaammat NunaGreenip sulisuisa suliassarpassuit 2023-mi naammassisinnaasimavaat tamatumalu saniatigut suliffeqarfik tassungalu atasussat tamaat pilersinniarnissaat isumagisimallugit, allaffik, aningaasanik aqutsissutit, suliffeqarfimmi kulturi, allaffeqarfik suullu tassunga atajunnartut suliarisimallugit. Isumaqarpunga pissusissamisuuksasoq qutsavigissallugit Karen, Martin, Rasmus kiisalu Povl-Emil 2023-mi suliarujussuat pillugu – aap tassa taakkuupput sulisut ukiup ingerlanerani sulilersut taakkulu suliannik annertoqisunik pisarioqisunillu naammassisaqarsimasut. 2024-mi suliassat amerleriaannaassapput, NunaGreenilu ulloq mannalu sulii sisamanik nutaanik sulisortaarpoq sulilu alleriaqqilaarumaarluni. Assinganillu qutsavigerusuppakka siulersuisuni ilaasortaqatikka suliami imaannaanngeqisumi eqaassusermik kiisalu tunniusimanermik taama angitigisumik takutitsillutik suliamut naleqaqisumik tunniussaqaarsimamata.

Ingerlatamik nutaarluinnarmik pilersitsigaanni, taavalu suliaassaq taama angitigi-soq Namminersorlutik Oqartussat ingerlatsiviisa, ingerlatseqatigiiffimmi namminersortitap aktiaateqarlunilu ingerlatseqatigiiffiup akornanni nuttartikkaani, taava susassa qarfiit sumut killinnerinik, akisussaaffiit agguataarnerinik, ilisimasanik agguaaassinnermi aalajangiisinnaatitaanikkullu nalornisoortoqarnissaa tupin-narnaviannngilaq. Sallussaanga oqassaguma aporfeqanngilluinnarluta ingerlasimasugut, kisianni assorsuaq angusaqarpugut taavalu pisortaanermik nutaamik atorfinitsinerput pingaartumik Nukissiorfinnut aammali attuumassuteqartunut allarpassuarnut patajaatsumik ataqqinniffiusumillu suleqateqarnitta ingerlaanarneranut tunngaviliisuusimavoq.

2024-p sinnerani suliaassat pingaarnerit pingasuussapput:

Utoqqarmiut Kangerluarsunnguanni alliliineq suliariumannittussarsiorneqassaaq sanaartorneratalu aningaasalersorneqarnissaa qularnaarneqassalluni.

Suliaassat pingaarnerit pingajuat tassaassaaq NunaGreenip Kalaallit Nunaanni pinngortitamit nukissiutinik suliniutini suleqatissatut pitsaasumik toqqammavis-siorneqarnissaa.

Suliaassani pingaarnerni kingulleq NunaGreenip anguniagaanut ilaareerpoq, tassa Kalaallit Nunaanni mingunnaanginnerusunut ikaarsaarnermut iluaqutaaniartussaavugut nunatsinni pinngortitamit nukissiorfiusinnaasunik iluanaaru-taasumik akilersinnaasumik ingerlatsinermut tapertaanitsigut peqataanitsigullu.

Piginnittuunerput, najukkamit aallaaveqarnerput, aktiaateqarluni ingerlatseqatigiiffiunerput, kiisalu pinngortitamit nukissiuutinik piginnaasanik ineriartortitsinerput pissutigalugit nunani tamalaani suleqatissatut aningaasaliisussatullu kajungerineqalissaagut, akuttunngitsumimmi Kalaallit Nunaanni pinngortitamit nukissiutit iluaqutigineqarnissaat pillugu isumatuumik oqaloqatiginikkumasunit attavigineqartarpugut.

Nunattali periarfissarpasuit tamakku iluaqutigilersinnaassappagit suleqatissat nunanit tamalaaneersut tikilluaqqusinnaasariaqarpavut, aammali isummer-soqatigalugit aningaasaleeqatigisinnaasariaqarlugit. NunaGreen najukkami suleqatissaavoq eqqorluinnartoq, taamaammat suliffeqarfitsinnik inerisaaneq – aamma piginnittutsinnit attuumassuteqartuniillu allanit tutsuigineqarnitsinnik inerisaaneq pingaaruteqarlunnaqqissaarpoq.

Ataatsimut anguniagarput taanna iluatsikkutsigu, mingunnaangitsunut ikaarsarnermi tunngavissat pitsaanerpaat pilersissavavut – Kalaallit Nunaannut iluaqutaasussamik.”

Siulersuisut nalunaarutaat ataatsimeersuartunit tusaatissatut tiguneqarpoq.

3 UKIUMOORTUMIK NALUNAARUSIAP AKUERSISSUTIGI-NEQARNERA

4 UKIUMOORTUMIK NALUNAARUSIAQ AKUERISAQ NAAPER-TORLUGU SINNEQARTOORUTIT ATORNEQARNISSAANNIK ANNAASALLUUNNIIT MATUSSUSERNEQARNISSAANNIK AALAJANGIINEQ

Immikkoortut 3 aamma 4 ataatsimoortillugit aqutsisup oqaluuseritippai.

Ukiumoortumik nalunaarusiaq kukkunersiuisunit uparuaatitaqanngitsoq 2023-imi 1. januarimiit 31. decemberimut atuuttoq siulersuisunit atsiorneqartoq ataatsimeersuarnermi saqqummiunneqarpoq.

Ukiumoortumik nalunaarusiaq misissuataarneqarpoq. Ukiumoortumik nalunaarusiakkut angusat akileraaruseriikkat -46 t.kr. ersersinneqarput, nammineq aningaasaatit 4.126 t.kr.-iullutik kiisalu oqimaaqatigiissitat 19.146 t.kr.-iullutik.

Ukiutum angusat ukiumut naatsorsuutininut tulliuuttunut nuunneqarnissaannik siunnersuuteqartoqarpoq.

Ukiumoortumik nalunaarusiaq, aningaasaatinik appaanermut atasumik iliuuserineqartut kiisalu angusat qanoq pineqarnissaannik ukiumoortumik nalunaarusiakkut siunnersuutigineqartut ataatsimeersuarnermi akerliuffigineqaratik akuerineqarput.

5 SIULERSUISUNIK, AAMMA SIULITTAASUMIK, QINERSINEQ

Aqutsisumit ilisimatitsissutigineqarpoq malittarisassani § 9.2 aamma § 9.3 naapertorlugit siulersuisut siulittaasorlu ileqquumik ataatsimeersuarnerup tullitup naanissaata tungaanut qinigaasartut, taamaammallu Ingerlatseqatigiiffimmi siulersuisunik nutaanik qinersisoqartussaasoq.

Siulersuisut maannamut ingerlasut tamarmiusut qinigaqqittussatut inassutigineqarput:

- Line Frederiksen (siulittaasutut)
- Tove Palnum
- Morten Stilling
- Mikkel Krogh Søndergård

- Inúnguak Kunût Bjørn Pedersen Abelsen

Aqutsisumit uppersarsarneqarpoq qinigassaatitaasut aqutsisutut atorfiit allat pillugit paasissutissat pisariaqartut tamarmik pigineqarmata, tak. ingerlatseqatigiifinnut inatsimmi § 120, imm. 3.

Aqutsisumit oqaatigijneqarpoq malittarisassani imm. 9.1 naapertorlugu siulersuisut tassaassammata ilaasortat 3-7-inik amerlassusillit ataatsimeersuarnermi qinigaasimasut, taamaammallu ataatsimeersuarnermi ilaasortassatut qinigaasut amerlassusii malittarisassatigut piumasaqaatinik naammassinnimmata.

Tamatuma saniatigut aqutsisumit oqaatigijneqarpoq siunnersuutikkuttaaq Angutini arnanillu naligiisitsineq pillugu Inatsisartut inatsisaanni § 7 eqqortineqarmat, taannalu naapertorlugu Naalakkersuisut siulersuisunut ilaasortassatut toqqaaneranni arnat angutilluunniit amerlanerpaamik ataatsimik amerlane-russuteqassammata.

Siulersuisut qinigaqqinnertik tiguaat.

6 SIULERSUISUNUT ILAASORTAT AKISSARSIAANNIK AALAJANGIINEQ

I

Namminersorlutik Oqartussat aktiaateqarluni ingerlatseqatigiiffiutaani akissarsiaqartitsisarnermut Naalakkersuisut politikkiat pillugu kaajallaasitami nutartikami kiisalu 10. maj 2024 saqqummiussaasumi § 2 naapertorlugu namminersorlutik oqartussat ingerlatseqatigiiffiutaanni akissarsiat amerlassusissaannik Naalakkersuisut aalajangersaasinnaatitaapput. § 2, imm. 2 naapertorlugu akissarsiat qaffasissusii allanngortinneqassagunik ingerlatseqatigiiffiup ileqquusumik ataatsimeersuarnerani saqqummiunneqartassapput akuersissutigineqarlutillu.

Naalakkersuisut najoqqutassiaat naapertorlugit siulersuisut aksissarsiaat aalajangersarneqassasut siunnersuutigineqarpoq:

Siulittaasoq: 500.000 kr.

Siulittaasup tulliat / kukkunersuisut ataatsimiititaliaanni siulittaasoq: 186.000 kr.

Ilaasortat: 133.000 kr.

Siunnersuut akkerliuffigineqarani akuersissutigineqarpoq.

7 KUKKUNERSIUISUMIK QINERSINEQ

Tulliuttup kukkunersiuisutut qinigaaqqinnissaa siunnersuutigineqarpoq:

Grønlands Revision A/S, kukkunersiuisoq naalagaaffimmit akuerisaq, CVR-nummer: 41762667

Siunnersuut akerliuffigineqarani ataatsimeersuartunit akuersissutigineqarpoq.

8 SIULERSUISUNIT ANINGAASATIGULLUUNNIIT PIGINNIT-TUNIT SIUNNERSUUTAAJUNNARTUT

Aqutsisup uppersarsarpaa siulersuisunit imaluunniit aningaasatigut piginnittunit siunnersuuteqartoqarsimanngimmat.

Tamatuma kingorna aqutsisup uppersarsarpaa oqaluuserisassat tamakker-neqarsimalermata.

Ataatsimeersuarneq naavoq.

Aqutsisuulluni:



Thor Suhr